



otpannews.kz

1973 ЖЫЛДЫҢ 13 СӘУІРІНЕН ШЫҒА БАСТАДЫ

МАНҒЫСТАУ



Kaspi Bank
арқылы жазылу

№78 (10478) 7 ҚАЗАН, СЕЙСЕНБІ, 2025 ЖЫЛ

ОБЛЫСТЫҚ ҚОҒАМДЫҚ-САЯСИ ГАЗЕТ

МЕМЛЕКЕТ БАСШЫСЫ ҚАСЫМ-ЖОМАРТ ТОҚАЕВТЫҢ ҚҰТТЫҚТАУЫ

БЕКЕТ МЫРЗАҒҰЛҰЛЫ – ЕЛІНЕ ТҮТҚА, ЖҰРТЫНА ПАНА БОЛҒАН ТҰҒЫРЛЫ ТҰЛҒАЛАРЫМЫЗДЫҢ БІРІ. ОЛ БҮКІЛ ҒҰМЫРЫН ХАЛҚЫНЫҢ ДҮНИЕ ТАНЫМЫН БАЙЫТУҒА АРНАП, АҒARTУШЫЛЫҚПЕН АЙНАЛЫСТЫ. БЕКЕТ АТА КҮЛЛІ ҚАЗАҚҚА ЖӘНЕ БАУЫРЛАС ЕЛДЕРГЕ ҒҰЛАМА ОЙШЫЛ, АТЫ АҢЫЗҒА АЙНАЛҒАН ӘУЛИЕ РЕТІНДЕ ТАНЫЛДЫ. МЕНІҢ ТАПСЫРМАМ-МЕН, ОҒЫЛАНДЫДАҒЫ ЖЕР АСТЫ МЕШІТІН ЖӘНЕ ОСЫ АЙМАҚТАҒЫ БАСҚА ДА ТАРИХИ НЫСАНДАРДЫ ЮНЕСКО-НЫҢ БҮКІЛӘЛЕМДІК МҰРАЛАР ТІЗІМІНЕ ҚОСУ ҮШІН НАҚТЫ ЖҰМЫС АТҚАРЫЛЫП ЖАТЫР. ЖҰРТЫН ИЗГІЛІККЕ ҮНДЕГЕН АБЫЗДЫҢ БОЛМЫСЫН БИІКТЕТЕ ТҮСЕТІН МӘДЕНИ-РУХАНИ ҚҰНДЫЛЫҚ ҰЛТТЫҚ ҰҒЫМЫМЫЗДЫҢ БАҒА ЖЕТ-ПЕС БАЙЛЫҒЫ САНАЛАДЫ. ОНЫ САҚТАУ, ҰРПАҚҚА МИРАС ЕТУ – ПАРЫЗ. БАРШАҢЫЗҒА АМАНДЫҚ, БАҚ-БЕРЕКЕ ТІЛЕЙМІН.



ҰЛТТЫ ҰЙЫСТЫРҒАН ҰЛЫ ЖИЫН



МАНҒЫСТАУДЫҢ ТОБЫҚТЫ ЖЕРІНДЕ ПІР БЕКЕТ АТАНЫҢ РУХАНИ

ТӘЛІМГЕРІ – ШОПАН АТА МЕН МЕН БЕКЕТ АТА МЫРЗАҒҰЛҰЛЫНЫҢ

ТУҒАНЫНА 275 ЖЫЛ ТОЛУЫНА ОРАЙ АЛТЫ АЛАШТЫҢ ИГІ

ЖАҚСЫЛАРЫНЫҢ БАСЫН ҚОСҚАН ҰЛЫ АС ӨТТІ.



3 қазан күні таң қылаң бере аруақты бабаның атын атап, Тобықты жерін бетке алған біз сәске түсте межелі жерге жетіп тоқтадық. Ат шаптырым аланда қаз-қатар тізілген ақшаңқан үйлер Кең Жылыой коньсында дүниеге келіп, есімін еліне тәу етер кие, тағзым етер қасиет етіп қалдырған ұлы бабаның аруағына арналған ас деп әбігерге түскен әлеуметтің ақ пейілін аңғартып тұрғандай. Алдымен бабалар аруағына құран бағыштау үшін мешіт үйіне қарай беттедік. Ең бірінші ескі түнеухананы Сәкен Есенгелдіұлы, Жармағамбет Қайырмағамбетұлы секілді азаматтар ұйымдастырып, Нұрпейіс Сәрсенбай бастаған жігіттер қолдап салған. Жаңа түнеухананың құрылысына Асқар Санауов бастаған азаматтар жетекшілік еткен. Түнеухананың маңайына түгелдей асфальт төсеген, ауласына ағаш отырғызып, абаттандырған, дәрет алатын орындар қарастырып, мешітке дейін арнайы қиыршық тастан жол төсеген. Абыз аталар аруағына арналған аста жайсаң азаматтардың жақсылығының шарапатын бүкіл ел көрді, разылығын білдірді. Бұл да бір табиғат дара еншілеген теңдесіз дарын иелері – кемеңгер әулиелерді ұлықтаудың ерен үлгісі екені даусыз.

» 4-5

• БҮГІНГІ САНДА

ТЕҢІЗ ТАҒДЫРЫ ТАРАЗЫЛАНДЫ



» 8

TELEGRAM АРҚЫЛЫ ЕСІРТКІ САУДАСЫ КҮШЕЙІП БАРАДЫ



» 9

«ҚОРҚЫТ АТА» – ТҮРКІ РУХЫНЫҢ КҮМБІРІ



АҚТАУ ҚАЛАСЫНДА ТҰҢҒЫШ РЕТ ТҮРКІ
ХАЛЫҚТАРЫНЫҢ «ҚОРҚЫТ АТА» КИНОФЕСТИВАЛІ ӨТТІ.

Іс-шараға Маңғыстау облысы әкімінің бірінші орынбасары Асхат Оралов, Халықаралық ТҮРКСОЙ ұйымының бас хатшысы Сұлтан Раев, Ұлттық киноны қолдау мемлекеттік орталығының басқарма төрағасы Құрманбек Жұмағали, сондай-ақ Әзірбайжан, Түркия, Түрікменстан, Қырғызстан, Өзбекстан, Венгрия мен Қазақстаннан 250-ден астам өнер майталмандары қатысты. Әлемдік өнер жұлдыздары қызыл кілеммен жүріп өтіп, кинофестивальдың салтанатты ашылу рәсіміне қатысты. Кейін қонақтар фестивальдың алғашқы фильм көрсетіліміне қатысып, кешкі мәдени бағдарламаға атсалысты.

Маңғыстау облысы әкімінің бірі-

ші орынбасары Асхат Оралов түркі халықтарының кинофестивалі Ақтауда өтуі өңір үшін ғана емес, бүкіл ел үшін үлкен мәртебе екенін атап өтті. Оның айтуынша, бұл іс-шара бауырлас елдердің мәдени байланысын нығайтып, ортақ рухани құндылықтарды дәріптеуге бағытталған маңызды алаңға айналып отыр. – Кино – халықты жақындастыратын, ортақ дүниетаным мен тарихи тамырды байланыстыратын ұлы күш. Мемлекет басшысы Қасым-Жомарт Тоқаев «Мәдениет – халықтың рухани тірегі, ал өнер – ұлттың болмысын айқындайтын асыл қазына» деп атап өткен болатын. Бұл фестиваль – сол рухани тіректің жарқын көрінісі, – деді Асхат Оралов.

» 12

• ҚЫСҚА-НҮСҚА

ЖАҢА ХАЛЫҚАРАЛЫҚ ӘУЕ БАҒЫТТАРЫ АШЫЛАДЫ

Ақтау халықаралық әуежайынан Сауд Арабиясы мен Біріккен Араб Әмірліктеріне тікелей рейстер ашылады. Енді өңір тұрғындары Джида, Медина және Дубай қалаларына тікелей ұшуға мүмкіндік алады. Әуе рейстері екі аптада бір рет, жексенбі күндері орындалады. Ал 18 қарашадан бастап «FlyArystan» компаниясы Ақтау – Дубай бағыты бойынша аптасына бір рет, сенбі күндері тұрақты рейстерді орындайды.

КЕНДІРЛІДЕ – «30 ИГІ ІС»

Жаңаөзендегі Кендірлі теңіз жағажайында ҚР Төтенше жағдайлар министрлігінің 30 жылдығына орай «30 игі іс» республикалық акциясы аясында сенбілік өтті. Сенбілік барысында жағажай аумағы коқыстан тазартылып, экологиялық тәртіпті сақтау бойынша түсіндіру жұмыстары жүрді.

«БЕЙНЕУ БАРЫСЫ– 2025» ТУРНИРІНІҢ ЖЕҢІМПАЗЫ АНЫҚТАЛДЫ

Қазақ күресінен «Қазақстан барысы» республикалық турнирінің аудандық іріктеу кезеңі «Бейнеу барысы» ұйымдастырылып, жеңімпаз анықталды. Жарысқа ауыл және ауылдық округтерден 12 балуан қатысты. Әр белдесуде балуандардың жігері сынға түсіп, ақтық сынға мықтылар жолдама алды. Турнир нәтижесінде Қарашолақ балуан Досжан Оралбаев «Бейнеу барысы – 2025» атанды. Жүлделі 2-орынды Ер Бегей балуан Нұрсұлтан Папау, 3-орынды «Токтамыс» атты лақап атымен танылған Ақниет Жұмажан иеленді.

2026 ЖЫЛҒА
«МАНҒЫСТАУ-МЕДИА» БАСЫЛЫМДАРЫНА
ЖАЗЫЛУ НАУҚАНЫ БАСТАЛДЫ!



«Халық» және «Каспий»
қосымшасы арқылы онлайн
жазылуға болады

**СЕНІМДІ АҚПАРАТ
СІЗДІҢ ҚОЛЫҢЫЗДА!**